

Gocius de Santa Barbara

De virtudi e de grazia
Barbara veru tesoru,
Ti lodaus de totu coru
Sprigu de Verginidadi.

Sias Barbara Protetora In donnia avversidadi

Nicomedia fortunada,
patria de tanti Eroina
sa Provvidenza Divina
t'hat rendiu tanti honorada,
de Barbara decorada,
o avventurosa Zittadi.

Sias Barbara Protetora In donnia avversidadi

De Dioscuru inumanu,
nobil'homini e crudeli,
filla est Barbara fideli
ma de su mundu paganu
ndi ddi proponit invanu
sa mortali vanidadi.

Sias Barbara Protetora In donnia avversidadi

Ricca de intelligenza
cuntemplat is creaturas:
in sa terra e in is alturas
ammirat sa Sapienzia,
conoscit sa Provvidenza,
amat s'Eterna Buntadi.

Sias Barbara Protetora In donnia avversidadi

De sa grazia illuminada
apprendit celestis cosas
nci pensat in totus oras
nd'atturat innamorada
a Deus totu cunsacrada
si bolit de prim'edadi,

Sias Barbara Protetora In donnia avversidadi

A Deus sempiri intenta
e a is premius de su Xelu.
Barbara plena de zelu
si santificat attenta,
si mortificat cuntenta
e crescit in santidadi.

Sias Barbara Protetora In donnia avversidadi

De angelicali bellea
Deus Barbara hiat ornau,
ma Dioscuru hat pensau
de 'ndi fai vana grandesa
e in turri de siguresa
dd'inserrat po dignidadi

Sias Barbara Protetora In donnia avversidadi

Però in cussu nou ritiru
Barbara cun prus fervori
amat, lodat su Signori
cun estasi e cun suspiru.
po Issu est donnia respiru
in ardenti caridadi.

Sias Barbara Protetora In donnia avversidadi

Su babbu però mundanu
dda bolit donait sposa
a genti ricca e famosa
in tottu su mundu vanu,
Issa però donnia manu
rifiutat cun libertadi

Sias Barbara Protetora In donnia avversidadi

Dioscuru non ostantj
de dda podi 'ndusi cunfiat
s'in lontanus logus partiat,
sperendidda incostanti,
e ddi preparat intanti
donna comodidadi.

Sias Barbara Protetora In donnia avversidadi

Duas fentanas solamenti
teniat sa turri strana,
Issa 'na terza fentana
fait oberri sapienti
cand'issa est assenti
po honorai sa Trinidad.

Sias Barbara Protetora In donnia avversidadi

De sa turru in s'internu totu
(rischiarau de prus luxi)
campeggiat una gruxi
de Barbara po altu votu
haendi beni connotu
su misteriu de piedadi.

Sias Barbara Protetora In donnia avversidadi

Dioscuru appenas torrau
e bista sa novidadi,
pienu de ferozzidadi
una spada hat afferrau
contra a Barbara avventau...
furia de crudelidadi.

Sias Barbara Protetora In donnia avversidadi

Ma virtudi soberana
sa Virgini nd'hat salvau,
unu massu s'est spaccau
fendi passu a sa Cristiana.
mentras si fuiat lontana
a tanti malignidadi.

Sias Barbara Protetora In donnia avversidadi

Aici podit arribai
A su monti in d'una grutta,
aundi si tenit occulta
senza de si manifestai
de Dioscuru po evitai
s'iniqua severidadi.

Sias Barbara Protetora In donnia avversidadi

Però pagu 'nc'est atturada,
poita issu cun diligenza
dda circat e cun avvertenzia
in brevi dd'hat incontrada:
in terra dd'hat calpestanda...
ferozzi barbaridadi!

Sias Barbara Protetora In donnia avversidadi.